

تاریخ عثمانی انجمنی

مجموعه سی

ایک آیدہ بر نشر اولنور. تاریخ عثمانی به عائد مقالاته صحیفه لرمز آچقدر. درج
ایدلیان مقالات صاحبنه اعاده اولنه بیلور.

علمدار مصطفی پاشا (مابعد) افضل الدین
قبریس فتحی اوزرینه وثیقہ لر صفوت
آینوروز تاریخچه سی موسی کاظم
آنقرہ ده اخیلر حکومتی احمد توحید
احمد ثالث دورینه دائر مادام مونته کونک مکتوبلری .. اجد رفیق
خبرہ جی باشی احمد پاشا (بونوال) عارف
مترقه : قانونامہ آل عثمان (ایکنجیسی) عارف

فیثانی و غروش

مرجعی — باب عالی تاریخ عثمانی انجمنی

ابونه قیدی ایچون انجمنه مراجعت اولنور)

انجمن عثمانی و شیرکازی

طبعیتیش دانی کونک

۱۳۳۱

خبره جی باشی احمد پاشا [بونوال] [۱]

[اون سکرنجی نسخه دن مابعد]

قونت ده بونوالک ممالک عثمانیه التجاسی میلادک ۱۷۲۹ [۱۱۴۲]
سنه سی موسم صیفنده در . بونوال وندیک شهرینه وصولی متعاقب ممالک
عثمانیه به کچمیوب ایکی سنه اوراده اقامت ایتش ایدی . مدت مذکوره
ظرفده خدمتارینه دخول ایچون متعدد حکومتلره مذاکرات و مکالماته
کیریشدی . لهستان کبی دولتر آوستریانک خصومت و عداوتی جلب
ایتامک فکرنده اولدقلرندن مذاکرات و مخبرات واقعه دن بر نتیجه
حاصل اولدی . فرانسه به عودت یاخود آوستریا ایله مخاصمات اوزره
اولان اسپانیا دولته التجا ایتک فکر وینتده بولندی ، لکن بونلردن
برینه ده قرار ویره مدی . نهایت آوستریا دولتنک علینده کی تشبثاتی
تزايد ایتدیکندن وندیکدن براوفاق یلکن کیسنه بنه رک راغوزه شهرنده
قریه چیقدی . اوراده ممالک عثمانیه کیتک اوزره بر کاروان تشکیل
ایله حرکت ایتدی ، اثنای راهده خیلی صیقندی چکدکدن صوکره
بوسه ایالتک مرکز اداره سنه راصل اولدی .

او زمان ممالک عثمانیه ده طرف حکومتدن اداره لری تأمین اولنش
خیلی مجار ملتجیسی وار ایدی . بوکا استناداً بوسنه والیسی بونوالی
نمجه جنرالی و ملتجی اولمق اوزره قبول ایتش و کیفیتی درسعاده اشعار
ایلش ایسه ده مدت مدیده جواب آله مدی . بونوال بالذات فرانسه نک
استانبولده بولنان سفیری (مارکی ده ویلنوو) به بر مکتوب یازدی ایسه ده

[۱] خبره جی احمد پاشانک مهرنده کی کلمات « دین اسلامدر عطاء متعال »
اولو نعمت سکا احمد بونوال « ایکن کچن نسخه ده سهواً « عطاء دین اسلامدر
متعال » اولو نعمت سکا احمد بونوال « دبه ترتیب اولنش اولدیفندن تصحیح اولندی .

سفیرک دخی باب عالی یہ مراجعتدن فائدہ حاصل اولہمدی . چونکہ آوستریا دولتک استانبولہ کی سفیری واسطہ سبلہ باب عالی تزدندہ وقوع بولان تثنائی ایدیلان مراجعاتی مشراعتیوردی . نہایت بونوال دولت عثمانیہ خدمتہ کیرمک اوزرہ دین اسلامی قبول ابتدی واسعی (احمد) تسبیہ اولندی . بونک اوزرینہ احمد بکک درسعادتہ حرکتی ایچون امرکلی . لکن کچن نسخہ مدراج استدعاسندہ محرر اولدینی اوزرہ استانبولہ صدر اعظم ابراہیم پاشانک قتلک و سلطان احمد خان ثالثک تاج و تختدن فراغتی موجب اولان حادثہ عصیانہ اوزرینہ بوسہ ایالتی دفترداری عزیمتی ایچون طرف حکومتدن اعطاسی امر اولتان خر جراحی تسویہ ایتامش و مراجعہ جیدن آچہ استدعاسی ایلہ یولہ چیقش ایسہدہ ادرنیہ وصولندہ باب عالی طرفدن کوملجنہ شہرندہ اقامتہ مأمور اولدی . معیشتی ایچون ۱۱۴۳ سنہ سی جہادی الاخرینک یکریمی بشنجی کونندن اعتباراً شہر مذکور « مقاطعہ سی مالندن یومیہ بیکر صاغ آچہ » تخصیص ایدلدیکی قیودات مالیدہ مقیددر .

طوپال عثمان پاشا صدارتہ نصب اولندقدہ [۱۹ ربیع الاول سنہ ۱۱۴۴] عثمانلی اوردوسنی دخی اوروپا اوردولری کی محاربہ ایتیمک حاضر لاق ایچون اصلاحہ قالقشدی ، اوردویہ تعلیم و تربیہ عسکریہ یی ادخال ایتیمک ایستدی و بونک ایچون احمد بکی استانبولہ جلب ایلدی . احمد بکک عسکر لکدہ کی شہرتی اولجہ اوروپا احوالہ وقوفی اولان ذواتک بیاناتی و تقدیم ایتدیکی استدعالریک مفادی ایلہ باب عالیجہ معلوم اولش واقدارندن استفادہ مأمول بولنش ایدی . عثمانلی اوردوسنک اصلاحی احمد بکجہ دخی ملتزم ایدی . چونکہ بونک حصولی حالندہ آوستریا دولتندن اخذ انتقام حقندہ کی املی اسبابندن بری حاصل اولہ جق ایدی . مذکور اصلاحاتہ ایلک اول تیمار وزعامت صاحبی اولان خبرہ جیلردن ماعدا اوردودہ بردہ علوفہ لی خبرہ جی صنفی احداثی ایلہ ابستار اولندی . عثمانلی اوردوسندہ خبرہ جیلرک قدیمدن

بری موجود ایدی . بونلر طوپچی اوجاغنه مربوط اولوب سرحدلرده بولنان قلعہلرده اقامت ایدرلریدی . علوفہ لی خبرہ جی صنفی ایچون بوسنه ایالتدن استانبولہ اوچوز نفر جلب اولنوب احمد بکک تعلیم و تربیہ نہ تودیع ایدلدی . لکن ایشک مبدائندہ عثمان پاشا مند صدارتدن عزل ایدیلہرک [۱۵ رمضان سنہ ۱۱۴۴] یرینہ حکیم اوغلی علی پاشا نصب اولندی .

طوپال عثمان پاشانک ادبار ونکبتدن صوکرہ احمد بک برمدت کولکدہ قالدی واونولدی . زمانتی تربیہ سی عہدہ نہ تودیع وتفویض اولنش اولان خبرہ جی نفراتنک تعلیمہ حصر وتخصیص ایتدی .

میلادک ۱۷۳۳ [۱۱۴۶] سنہ مندہ لہتانک وراثتی مسئلہ سی ظہور ایتدی . فرانسه حکومتی روسیہ ومتفق اولان آوستریاہ مذکور مسئلہ دن طولانی اعلان حربہ حاضرلنوب وقوعبولان امری اوزرینہ استانبولہ مقیم فرانسه سفیری مارکی دہ ویلنوودہ روسیہ نفوذینک توسعی دولت علیہ جہ دہ مضر اولدیفندن بحثلہ باب عالی پی دخی محاربہ مذکورہ یہ تشریکہ اوغراشمہ باشلدی . صدر اعظم علی پاشا اوروپا سیایات عمومیہ نہ نظر آنکلیف مذکورہ موافقت وعدم موافقتدن هانکیسنک مناسب بولندیقی بردنبرہ کسیرہ ماش ایدی . وقوعبولان توصیه اوزرینہ احد بکی جلب ایدلی ، آنک واسطہ سیلہ مذکور سیاست عمومیہ وروسیہ نک پولتیقہ سنہ وآمال استیلاجویانہ نہ لایقہ کسب وقوف ایتدی . بونک اوزرینہ فرانسه دولته اتفاق تکلیف ایدلی ایہدہ قبول ایدلدی . علی پاشا فرانسه سفیرینک اخبارات وافاداتی حسن تلقی ایلہ برابرمدت صدارتندہ روسیہ اعلان حربی قبول ایلامشدر .

بوانندہ ذکر اولنان علوفہ لی خبرہ جیلردن براوجاق تشکیل اولنہرق طوغریدن طوغری بہ صدر اعظمک نظارتہ وضع ایدلدی . خبرہ جی باشلیق ایلہ خبرہ جیلرک آلائی باشیلنی احمد پاشانک عہدہ نہ توجیہ اولندی

وکندینه اولجه میرمیرانلقایله مستوفی خاص تعیین اولنش ایدی. ۱۱۴۷ سنه سی شعبانک غره سندن اعتباراً موقع تطبیقه وضع ایدیلان تشکیلات و تنسیقات مذکوره صبحی تاریخنده مفصلاً مسطوردر .

علی پاشانک زمان صدارتنده خبره جی باشی احمد پاشا باب عالیده پک زیاده کسب نفوذ ایدوب بالجله امور سیاسیه مداخله ایتش ایدی . لکن صدر مشار الیهک عزلی اوزرینه [۸ صفر سنه ۱۱۴۸] امور دولته طوغریدن طوغریه مداخله دن منع ایدلدی و باب عالیدن اوزاقلاشدیرلدی .

روسیه نك آزاق قلعهنی محاصره سی و قریه دخولی کجی حرکات نارواسی باب عالی بی اعلان حربه مجبور ایتش و صدر اعظم سید محمد پاشا ۱۱۴۹ سنه سی محرمنده اردو ایله استانبولدن حرکت ایلدیکی حلاله موفق اوله مامش اولدیفندن آوستریا دخی دولت عثمانیه یه اعلان حرب ایلدی . احمد پاشانک منوی ضمیرینک حصولی یعنی آوستریادن اخذ انتقامی صره سی کلش ایدی . لکن امور حکومتدن اوزاق طولقده ایدی . وقوعبولان تلقینات سایه سنده دخی بوکا موفق اولدی . خصوص مذکور ایچون موقع صدارت عظماده سید محمد پاشایی استخلاف ایدن [ربیع الاخر سنه ۱۱۵۰] محسن زاده عبده پاشا طرفندن یازیلان تذکره معروضه بوجه آتیدر [۱] :

[۱] صحافرشینی زاده اسعد افندی کتبخانه سنده موجود تاریخ کتابلری میانده کی محسن زاده عبدالله پاشانک معروضاتی حاوی و فهرستده « جریده مکاله » دیه مقید مجموعه دن . § اشبو تذکره نك تاریخی یوقدر . لکن متعاقباً قریم خانلی توجیه اولسان منکلی کرایک اوردویه ورودی حفسده کی تذکره معروضه مقید اولسنه و خان مذکورک نصی ۱۱۵۰ سنه سی جمادی الاولاسنک ایکنجی کونی اولسنه نظراً بوتذکره نك تاریخی دخی معلوم اوله یلور . § متن تذکره ده محرر بسمه جی ابراهیم افندی عمالک عثمانیه ده صنعت طباعتی احداث ایدن مشهور بحار ابراهیم متفرقه در .

خبرہ جی باشی احمد پاشا قولری فی الاصل نمچہ دولتندہ مدت مدید تدبیر امور ایلہ مأمور ونمچہ نک ہر احوالہ وقوف وشعوری اولقدن ناشی کندونک وجدانندہ منوی اولان بعض تدبیر ایلہ اردل ومجارستانہ برقتہ القاسی وازجلہ آنک تدبیریلہ متوفی قرال راقوختک حالا تکفور طاغندہ اولان اوغلی برتقریب ایلہ مجارلر ایچنہ قولتیق نمچہ ملکتنہ عظیم اختلالہ سبب اولور دیو بعض وقوفی اولنلر خبر وبردکمرندن غیرہ نمچہ ومقولیدن دلکبر اولان انکلتہ وفلمنک ایلچیلری وفرانچہ ایلچسی یولہ وقتندہ دولت علیہ خبرہ جی باشی ایلہ راقوخی اوغلنک اوغلرینی یچون استخدام بیوررض دیو سالف الذکر ایلچیلرک ترجانلری دائما سولیکدہ اولدقارینی بصہ جی ابراہیم افندی قولری خبر ویرمکدہ در بو خصوصلری مذاکرہ ایچون خبرہ جی باشینک سبکار وجہ عجلہ برکون اول اردوی هایونہ کوندرلی مناسب کورلککھ قائمقام پاشا قولری معرفتیلہ مومی الیہ خبرہ جی باشی قولرینک اردوی هایونہ ارسالہ فرمان هایونلری بیورلنی بابتندہ امر وفرمان

احمد پاشانک دولت عثمانیہ التجاسی آنی خصمندن اخذ انتقام حقندہ کی احتراصاتہ آلت اتخاذایتمک ایچون دہاز یادہ مساعد کوردیکندن ناشی ایدی . فکر نمچہ آوستریاہ دشمن بتون دولتری حکومت عثمانیہ طرفہ جلب ایدہ چک وآنککھ آوستریا دولتی آرہ سندہ حرب ظہورندہ آوستریا امپراطورینک مخالف بولنان تبعہ منی معیتہ طویلا یہ رق مجارستاندہ واردلدہ اختلاللر ایقاع ایدہ چک وکندیسی دخی بوندن استفادہ ایلہ چک ایدی . آوستریا ایلہ حربہ باشلانقدنہ احمد پاشا محاربہ دن اوزاق طوتلسندن متأثر اولیور ایدی . نہایت ابراہیم افندی وسائر لری واسطہ لریلہ تذکرہ معروضہ حکایہ اولنان تلقینات اجرا اولتہ رق جلب انتظارہ موفق اولدی .

ماہدی وار

محمد عارف